

UGOVOR
o pružanju usluge sanacije elektroinstalacija stara rasvjeta staza spusta

I UGOVORNE STRANE

KJP ZOI'84 OCS d.o.o. Sarajevo
Sjedište: Alipašina bb, 71000 Sarajevo
Koje zastupa v.d.direktor Edis Baković
Identifikacijski broj: 4200347000004
(u daljem tekstu: **Naručilac**)

i

ELEKTROCENTAR PETEK d.o.o.Tuzla
Sjedište: Tomislava Ramnjaka 54, 75000 Tuzla
Koje zastupa direktor Bajrić Midhat
Identifikacijski broj: 4201699140007
Transakcijski broj banke, ime i sjedište banke: 1404011120047825 Sberbank
(u daljem tekstu: **Izvršilac**)

II PREDMET UGOVORA

Član 1.

Predmet ovog Ugovora je pružanje usluge sanacije elektroinstalacija stara rasvjeta staza spusta prema tenderskoj dokumentaciji **Naručioca**, broj 1834/20 od 06.08.2020. godine i ponudi **Izvršioca** broj UP1236-20-JN od 17.08.2020. godine, koji su u prilogu ovog Ugovora i čine njegov sastavni dio.

Član 2.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- a) za **Naručioca**: Adis Mušinović, tel. 061/044-764;
- b) za **Izvršioca**: Midhat Bajrić, tel. 035/277-199.

III MJESTO IZVRŠENJA USLUGA

Član 3.

Usluga će se vršiti u OJ Ski centar Bjelašnica

IV OBAVEZE IZVRŠIOCA

Član 4.

(1) Izvršilac je obavezan usluge iz člana 1. Ugovora izvršiti u roku, na način i pod uslovima određenim ponudom Izvršioca i odredbama ovog Ugovora te pri tome postupati sa pažnjom dobrog privrednika, odnosno sa pažnjom dobrog stručnjaka, u suprotnom preuzima i snosi punu odgovornost, troškove i rizik.

(2) Izvršilac se obavezuje da će usluge iz člana 1. izvoditi stručno i kvalitetno prema postojećim tehničkim normativima. Izvršilac je dužan ispostaviti izvještaj o izvršenoj usluzi uz prijedlog o potrebi redovnog održavanja.

Član 5.

Izvršilac se obavezuje da će u ugovorenom periodu pružati usluge:

- a) Iskopa kanala dužine 100 metara i minimalne dubine 1 metar,
- b) Izrade posteljice za polaganje kabla prema propisima,
- c) Polaganje novog napojnog kabla 1KV PPOO-A 4X240, 100 metara,
- d) Polaganje novog signalnog kabla ppoo 5x6,100 metara,
- e) Polaganje plastičnog štitnika, 100 metara,
- f) Polaganje Fzn trake 25x4,100 metara,
- g) Polaganje traka upozorenja, 100 metra,
- h) Zatrpavanje kablovskog rova i uređenje terena,
- i) Završetak kablovskih krajeva i kopčanje u razvodne ormare,
- j) Neophodno saniranje kabliranje glavnog RO,
- k) Vraćanje upravljanja rasvjetom prema specifikacijama iz glavnog projekta
- l) Atestiranje elektroinstalacija i puštanje u rad

V CIJENA I NAČIN PLAĆANJA

Član 6.

(1) Ugovor se zaključuje sa procijenjenom vrijednosti, u iznosu do **14.750,00 KM** (Slovima: četrastihiljadasedamstotinapedeset i 00/100 konvertibilnih maraka) bez uključenog PDV-a, odnosno **17.257,50 KM** (Slovima: sedamnaestihiljadadvijestotinepedestsedam i 50/100 konvertibilnih maraka) sa uključenim PDV-om.

(2) Usluge iz člana 1. ovog ugovora će se plaćati prema utvrđenoj cijeni iz Ponude Izvršioca broj UP1236-20-JN od 17.08.2020. godine, koje se neće mijenjati tokom ugovornog perioda.

Član 7.

(1) Naručilac će odgođeno plaćanje ugovorene usluge izvršiti uz garanciju Naručioaca poslovne banke a sve najkasnije 30 dana od dana izvršenih svih usluga.

(2) Izvršilac će fakture ispostavljati po završetku konkretne usluge, uz pozitivno mišljenje Komisije za prijem usluga.

(3) Ukoliko Komisija koja vrši prijem usluga da negativno mišljenje nisu ispunjeni uslovi za plaćanje.

VI UGOVORNE KAZNE I NAKNADA ŠTETE

Član 8.

(1) Ukoliko Izvršilac ne bude na ugovoreni način i u ugovorenom roku izvršio sve ugovorene obaveze, dužan je Naručiocu platiti na ime ugovorene kazne penale od 1 ‰ (jedan promil) od ugovorene cijene usluga, za svaki dan prekoračenja roka izvršenja usluge, a najviše 5 % od ugovorenog iznosa. Obaveza plaćanja ugovorene kazne utvrđuje se prilikom konačnog obračuna.

(2) Odabrani Izvršioc je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca, u protivnom ugovorni organ će umanjiti fakturu za navedeni iznos.

(3) Ukoliko usluge nisu izvršene na ugovoren način, odnosno imaju vidljive mane, predstavnik Naručioca dužan je da odbije prijem usluga i odmah u pisanoj formi obavijesti Izvršioca, a u hitnim slučajevima usmeno i zahtjeva ponovno izvršenje usluga. Ako se nakom primopredaje pokaže neki nedostatak koji nije vidljiv, naručilac je dužan da o tom nedostatku bez odlaganja obavijesti Izvršioca i može zahtijevati ponovno izvršenje usluga, najkasnije narednog dana od dana prijema reklamacije.

(4) Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršioc nije mogao uticati niti ih predvidjeti.

(5) Plaćanje ugovorene kazne (penala) ne oslobađa Izvršioca od njegovih obaveza da pruži usluge, niti ga oslobađa od nekih drugih obaveza i odgovornosti po ovom ugovoru.

VII ROK IZVRŠENJA

Član 9.

(1) Izvršilac usluga se obavezuje da će usluge sanacije elektroinstalacija stara rasvjeta staza spusta Naručioca usluga započeti odmah nakon potpisa Ugovora, te istu izvršiti u roku od 15 (petnaest) radnih dana računajući od dana početka vršenja predmetnih usluga.

(2) Pod izvršenjem usluga se podrazumijevaju sve potrebne radnje koje je Izvršilac dužan obaviti, prema Ugovoru i prirodi posla, da bi Naručilac mogao primiti izvršenje usluga.

VIII STUPANJE NA SNAGU I RJEŠAVANJE SPOROVA

Član 10.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i svi rokovi u vezi s ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

Član 11.

(1) Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana od dana prijema pismenog obavještenja o otkazu Ugovora.

(2) Ugovor se raskida pismenom izjavom koja se dostavlja drugoj ugovornoj strani. U izjavi mora biti naveden razlog zbog kojeg se ugovor raskida.

(3) Ako ugovorne strane sporazumno raskinu ugovor, tim sporazumom regulisat će se sva pitanja nastala povodom raskida ugovora.

Član 12.

Eventualno nastale sporove pri realizaciji ovog ugovora, ugovorne strane će rješavati mimim putem, u protivnom ugovara se nadležnost suda opće stvarne nadležnosti u Sarajevu.

IX OSTALE ODREDBE

Član 13.

Izvršilac nema pravo da u svrhu izvršenja ovog ugovora, zapošljava fizičke ili pravne osobe koje su bile uključene u pripremu zahtjeva za dostavljanje ponuda, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 14.

Za sve što nije regulisano ovim ugovorom primjenjivaće se odredbe propisa Zakona o obligacionim odnosima u Bosni i Hercegovini.

Član 15.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 16.

Ovaj Ugovor je sačinjen u 6 (šest) istovjetnih primjerka od kojih svaka sporazumna strana zadržava po 3 (tri) primjerka.

Za Izvršioca



Bajrić Midhat, direktor

Datum: 12.10.2020. godine
Broj:

Za Naručioca



Edis Baković, v.d. direktor

Datum: 14.10.2020. godine
Broj: 2689/20

OBRAZAC ZA CIJENU PONUDE

Ponudak: Elektrocentar Petek d.o.o.

Broj: UP1236-20-JN od 17.08. 2020. godine

Redni broj	Opis predmeta	Jedinična cijena bez PDV-a	Ukupne cijene sa uračunatim popustom i PDV-om
1.	iskop kanala dužina 100 metara minimalne dubine 1 metar, izrada posteljice za polaganje kabla prema propisima, polaganje novog nepojnog kabla 1KV PPOC-A 4X240, 100 metara, polaganje novog signalnog kabela poos 5x8, 100 metara, polaganje plastičnog štirnika, 100 metara, polaganje Fzn trake 25x4, 100 metara, polaganje traka upozorenja, 100 metara, zatrpavanje kablovskog rova i uređenje terena, završetak kablovskih trajeva i kopanje u razvodne armare, neophodno saniranje kabliranja glavnog RO. Vraćanje upravljanja rasvjetom prema specifikacijama iz glavnog projekta, atestiranje elektroinstalacija i puštanje u rad	14.750,00 KM	14.750,00 KM
Ukupno bez PDV-a			14.750,00 KM
Popust			
Ukupno bez PDV-a sa popustom			
Ukupno sa popustom i PDV-om			17.257,50 KM
Iznos: sedamnaest hiljada dvjestupdesetsedam i 50/100 KM sa PDV-om			

Napomena:

1. Ponađač je obavezan u ponudi da navede popust ako je isti odobren.
2. Cijene moraju biti izražene u KM. Za svaku stavku u ponudi mora se navesti cijena.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

Podpis ovlaštene osobe: _____



M.P